

L'academia roomontscha il "Curtin" a Mustér

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **21 (1928)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

var nies carezau lungatg. Compareglia Gas. Rom. e Casa Paterna dils 15 de sett. 1927.

Gliendisdis damaun ha la Romania assistiu al requiem per nos defuncts, duront il qual Sur Gartmann, plevon a Schlans, ei seregurdaus ded els en in commuentont riug.

Ella sequenta radunonza de fatschentas han ils activs en cumminonza culs commembers honoraris liquidau las tractandas. La nova suprastonza ei vegnida constituida sco suonda: Sur Gion Cadalbert, president; stud. teol. Fidel Maissen, vice-president; stud. med. Bistgaun Muoth, actuar; Rev. Sur canoni M. Alig e Rev. Sur prof. A. Giger, commembers honoraris.

Per la Romania:

Gion Cadalbert, President.

L'academía romontscha il „Curtin“ a Mustér.

Cura ch' ils zenns dil venerabel sanctuari de s. Placi e s. Sigisbert resunan melodiusamein atras la biala vallada alpina, per annunziar a pign e grond l' arrivada della pli gronda fiasta della Sur-selva, lura batta il cor dils giuvens students claustrals d' ina vera legria e d' in niebel sentiment de libertad, pertgei in onn de lavur e de strapaz ei puspei vargaus. Medemamein selegran ils fegls dil «Curtin», pertgei er els han duront il liung e

stendiu onn de scola cultivau il carezau lungatg de nos vegls e surviu cheutras fideivlamein alla mumma romontscha. Quei ei daventau sut la capavla manutta de nies venerau e renomau poet, Rev. Sgr. P. Maurus Carnot. Nus exprimim perquei ad el in sincer e cordial «Dieus paghi» per tut sias breigias e stentas per nus.

Il presidi havevan els dus onns vargai: Giuli Bundi, 1926—1927; Christian Berther, 1927—28. Repassein nus ils rapports annuals della scola claustrala, sche dattan buca meins che 40 lavurs perdetga della gronda lavur prestada dals fegls di «Curtin» en lur sessiuns tenidas regularmein duas gadas il meins. En emprema lingia mereta in referat de nies car P. Maurus de vegnir menzionaus, che ha menau nus ella Provenza, plidond dil renomau e grond poet provenzal: Frederic Mistral, — dil qual la biblioteca della Romania posseda ina biala brev, scretta cun agen maun, — e lura puspei anavos en tiara romontscha, cun sias praulas e detgas, ozildi quasi embidadas, sco p. ex.: igl um selvadi de Tschamut, la siarp che spida fiug, ina semeglia co la plebs a Roma ei ida, ord malcuntentientscha, ora sin il cuolm sogn (secessio in montem sacrum). Ad el aida nies pli grond engraziament.

Il commembers dell' academia ein sedai tutta breigia de far lur referats aschi bein sco pusseivel. Ei setracta oravon tut de lavurs che risguardan personalitads grischunas, sco p. ex.: Caspar Decurtins,

arzuestg Henny, Casper Muoth, Carli Borromeo, uestg Georgius Schmid de Grüneck, P. Placi a Spescha, sco era studis partenent la historia sur-silvana, numnadamein: L' uiara franzosa a Mustér, la claustra de Mustér etc. Tgi che s' interescha pli detagliadamein, dei leger ils rapports annuals della scola claustrala. En tala moda vegn la carezia per la patria ed il pievel augmentada tier pign e grond. La vera tempra han quellas lavurs retschert dalla biblioteca romontscha. Siu premurau bibliotecar, Rev. Sgr. P. Baseli Berther ei sepurschius de gidar nus en tuts graus, entras metter la biblioteca en nossa disposiziun. A P. Baseli admettein nus in cordial engraziament. — Plinavon seigi engraziiau a sgr. red. Dr. G. Condrau per la Gasetta Romontscha sco era ad auters benefactors de nossa academia, specialmein a Rev. sgr. Dr. G. Cahannes, il qual ha enrihiu nossa paupra biblioteca dil «Curtin» ed era quella de mintga student romontsch.

Nus astgein mirar anavos sin ils onns passai cun in egliada de cuntentientscha e dir una voce:

«Bandiera romontscha sgolatscha
 Sur pezzas e vals en colur,
 La pintga raspada oz catscha
 Siu tgau ord «Curtin» de verdur.»

Per l' academia romontscha il «Curtin»

Christian Berther, stud.